



Il CEO Alois Vinzens ed il nov president da la BCG Peter Fanconi.

FOTOS MAD



L'imposanta tschentada dals partizianaris en la halla da fiera a Cuira.

L'imposanta tschentada da la banca

Millis participants a la radunanza da la Banca Chantunala Grischuna

■ (anr/gc) Cun la fin da quest onn chalan ils circuls (cumins) d'exister. Tar las bleras da lur tschentadas è quai gia daditg il cas. Na dentant tar la Banca Chantunala Grischuna (BCG). Quella ha salvà quest onn ses grond cumin per la 30. giada – e vegn a far quai vinavant – en la halla da fiera a Cuira. Cun 2580 participants è quella puspè stada frequentada orai-fer. Ins ha intervegnì ils buns resultats da la banca per 2014, alur laschè gustar il grondius gentar ed è sa delectà da la musica moderna e plain vita da la Swiss Band sut *Matt Stämpfli*.

Igl è stà da constatar: fatschas cuntentas dapertut, in bun sentiment general e blera satisfaziun per la banca dal pievel grischun. Ina vaira atmosfere

ra da «panem et circenses», da paun e gieus.

Stà in onn da success

Il nov president da la BCG, *Peter Fanconi*, ha taxà l'onn passà sco bun e legraivel, malgrà las circumstanzas generalas pauc favuravlas. Per il chantun ed ils purtaders da scrits da participaziun hai dà ina dividenda na midada da 38 francs ed in pajament total da 95 milliuns. La buna bilantscha saja conferma da la dretga orientaziun. El ha engrazià per la fidanza demussada vers la banca. Quella furnia la basa per ses success a lunga vista. Radund 70% da las firmas cun domicil en il Grischun hajan relaziuns bancaras cun la BCG. Ella saja la banca da l'economia indigena insumma.

Augmentà il gudogn dal concern

Tenor il CEO, *Alois Vinzens*, è il resultat sa sviluppà en il rom da las aspectativas. Il ferm augment brutto e la gronda productivitat sajan stads las pitgas da quest svilup solid. Il gudogn è creschì per 1,6% sin 163,8 milliuns. Las fatschentas da finanzas spetgan vinavant sfidas professiunalas e finanzialas. Quai pertutga l'extensium e la cumplexitad da la regulaziun, il squitsch sin las marschas e la nova orientaziun da la piazza da finanzas. Cun ina productivitat remartgabla e tras la auta dotaziun cun agens meds disponia la BCG d'in ferm fundament.

Engaschi considerabel per il Grischun

Segund il CEO parta la BCG ses success (gudogn) cun tuttass gruppas par-

ticipadas. Ultra dal pajament al chantun ed als partizianaris – da prest 100 milliuns – èn puspè dus milliuns ids en il fond da contribuziuns. Cun 1% da ses gudogn finanziescha la BCG projects en e per il Grischun sin divers champs. La retscha da sustegnns dads è lunga.

Midadas en il cussegl da la banca

Il president da la BCG, Peter Fanconi, ha prendì cumià cun engraziar als dus meritaivels commembers demissionants dal cussegl da la banca: Ils Engiadinais *Jon Peder Lemm* e *Not Carl*. Sco lur successurs èn vegnids beneventads *Christoph Caviezel*, da Laax, e *Thomas Huber*. Omadus vegnan dentant si da la Bassa.